

Դիշանց, Կարա-Գեալուր, Փոսկոր, Սէմէ-
զրէկ, Գիշենուա, Մեծանց, Կան, Չափանց¹
լեռներէց իջնում են Չափանց վանք, Նա-
խիձէ, Կելխազ առուակները, որոնք բոլորն
էլ ոռոգում են համանուն զեղերը, սրանց
մացրաները, եայլաները, ախոռները եւ
վանքերը:

Սպերի հովիտն սկսում է Նիգէյ առուակի
խառնուրդից, եւ վերջանում է Հնուա կրկ-
նակի վտակներով, որոնցից մին աջից եւ
միւսը ձախից խառնուում են ձորոսին: Այս
ամբողջ երկարութիւնը ձգուած է արեւմուտ-
քից արեւելահասիս, մօտաւորապէս քառա-
սուն կիլոմետր երկարութեամբ, որի ճիշտ
միջին մասումն է Սպեր աւանը, որ այսօր
350 տուն ժողովուրդ ունի: Մի ժամանակ
Սպերու ապրում էին 4—5000 տնուոր, նոյն
իսկ Օսման. աշխարհագրութեան ժամանակ
1530 Իբրահիմ փաշայի ցուցակներում —
Գասարայում (վարչութեան կենդրոն) 4500
ծուխ է արձանագրուած: Աւանի զիրքը, բեր-

¹ Չափանց լեռները, որ տեղից իջնում է Չափանց
առ-ը իր բազմաթիւ առուններով, բղխում է Չափանց լճակ-
ներից: Այս լճակները Քառասնից լճակներից 10—12 կիլո-
մետր հեռաւորութիւն ունին եւ շարունակութիւնն են կազ-
մում արեւմուտքից - արեւելք: Չափանց լեռնանցքը Սպերի
եւ Բիգէի ճանապարհի (կարավան) ճիշտ մէջ տեղն է եւ
ժամանակին Բիգէի հետ մեծ յարաբերութիւն է ունեցել:
Սպերի բնակչութեան ծով իջնելու — պանդխտութեան
ճանապարհն է, միանգամայն չոր միրգ, գինի եւ այլ բերքեր
այստեղից էին Կ. Պոլիս եւ ուրիշ քաղաքներ փոխադրում: